



## PAENITENTIARIA APOSTOLICA

**Prot. N. 1013/16/I**

BEATISSIME PATER,

Camillus Cibotti, Episcopus Aesernien.-Venafren., reverenter exponit: die XXVII vertentis mensis Novembris, Aesernien. Sacr.mi Cordis Paroecia sexagesimum canonicae erectionis commemorabit.

Ad debitas Deo gratias reddendas, ob insigne beneficium incolis praestitum conditae Paroeciae, in qua nimirum mysteria supernaturalis salutis humanae peraguntur, oportet ut christifideles, illo anniversario diei, operibus pietatis, paenitentiae et misericordiae tempestive praeparentur. Optatissimus vero finis horum celebrationum, Fidei scilicet, Spei et Caritatis virtutum incrementum, sese in moribus ad Evangelii leges conformatis manifestantium, profecto facilius attingetur si christifideles per Indulgentias adiuventur ad delenda in se etiam illa consecraria peccati, quae per temporales poenas sunt expianda.

Quare Exc.mus Orator hoc mirabile donum a Sanctitate Tua, a die XXVII vertentis mensis Novembris usque ad diem XXV Iunii MMXVII consequendum, fiducialiter implorat. Et Deus, etc.


**Die XVI Novembris MMXVI**


PAENITENTIARIA APOSTOLICA, de mandato Summi Pontificis, *plenariam* libenter concedit *Indulgentiam*, suetis sub condicionibus (sacramentali Confessione, eucharistica Communionem et orationem ad mentem Summi Pontificis) rite adimpletis, a christifidelibus vere paenitentibus ad instar Iubilaei lucranda, dummodo paroecialem ecclesiam Sacr.mi Cordis inviserint et ibi iubilantibus celebrationibus rite determinatis devote interfuerint, vel saltem per congruum temporis spatium piis vacaverint considerationibus, concludendis Oratione Dominica, Symbolo Fidei atque invocationibus Sacr.mi Cordis Iesu et Immaculati Cordis Mariae.

Paroeciae fideles, senectute, morbo vel gravi alia causa impediti, pariter *plenariam* consequi valebunt *Indulgentiam* si, concepta detestatione cuiusque peccati et intentione praestandi, ubi primum licuerit, tres consuetas condiciones, anniversariis functionibus se spiritaliter adiunxerint, precibus doloribusque suis, vel incommodis propriae vitae, misericordiam Deo per Mariam SS.mam oblatis.

Quo igitur accessus, ad divinam veniam per Ecclesiae claves consequendam, facilius pro pastoralis caritate evadat, haec Paenitentiarum enixe rogat ut Fratres Capuccini, quibus paroecialis ecclesia concredita est, in iubilari templo prompto et generoso animo celebrationi Paenitentiae sese praebeant ac S. Communionem infirmis saepe ministrent.

Praesenti per Iubilaeum Sac. mi Cordis Paroeciae valituro. Contrariis quibuslibet non obstantibus.

  
MAURUS Card. PIACENZA  
*Paenitentiarum Maior*

  
CHRISTOPHORUS NYKIEL  
*Regens*





## PAENITENTIARIA APOSTOLICA

Prot. N. 1014/16/I


### DECRETUM

PAENITENTIARIA APOSTOLICA, vi facultatum sibi specialissimo modo a Sanctissimo in Christo Patre et Domino Nostro, Domino Francisco Divina Providentia Papa tributarum, Exc.mo ac Rev.mo Patri Domino Camillo Cibotti, Episcopo Aeserniensi-Venafrensi, benigne concedit ut, in Iubilaeo Sacr.mi Cordis paroeciae, die pro fidelium utilitate eligendo, post litatum divinum Sacrificium, impertiat omnibus christifidelibus adstantibus, qui vere paenitentes atque caritate compulsi iisdem sacris interfuerint, **papalem Benedictionem** cum adnexa *plenaria Indulgentia*, suetis sub conditionibus (sacramentali Confessione, eucharistica Communionem et Oratione ad mentem Summi Pontificis) lucranda.

Christifideles qui **papalem Benedictionem** devote acceperint, etsi, rationabili circumstantia, sacris ritibus physice non adfuerint, dummodo ritus ipsos, dum peraguntur, ope instrumenti televisifici vel radiophonici propagatos pia mentis intentione secuti fuerint, *plenariam Indulgentiam*, ad normam iuris, consequi valebunt.

Contrariis quibuslibet non obstantibus.

Datum Romae, ex aedibus Paenitentiariae Apostolicae, die XVI mensis Novembris, anno Domini MMXVI.

  
MAURUS Card. PIACENZA  
Paenitentiarius Maior

  
CHRISTOPHORUS NYKIEL  
Regens